

ጳውሎስ ታሶሎንቄ አሳስ ፃፊዳ ናምዓንሉ ኪታ ጊዶ ቆፋ

ኪርስቶስ ናምዓንሉ ያናይሳ ጊሽ ኦይሾይኔ ኦሽ ዳንዲዳ ጊሽ ታሶሎንቄ ዋሳ ኩፋ ጋርሳን ሜቶይ ዳሪ ዳሪ ቢዳስ። ጳውሎስ ታሶሎንቄ አሳስ ፃፊዳ ናምዓንሉ ኪታይ “ጎዳ ዩሳ ጋላሲ ማቲዳስ” ጊዛ አማኖ ቃላ ቲሺ ሂስቲ ዮቲዳስ። ጳውሎስ ፃፊሽ ኪርስቶስ ያናፔ ካሴቲዲ “ማካላ አስ” ጌቲቲዛዳይ ኪርስቶሳራ ኤቄቲዛዳይ ባሌሉን ሃይሳ አላሜዛ ቦላ ኢታቲሌኔ ማካላይ ዳሪ ዳሪ ባና ጉሳን ኢስታ አማኖ ጊሊሳናስ ዳፌቲስ።

ናባቢዛይቲ ዋዬይኔ ሜቶይ ኢስታ ቦላ ዳሪኮካ ኢስቲ ባ አማኖን ሚኒ ኤቃና ማላ ጳውሎስኔ ሃራቲ ኢዛራ ኢሲፌ ኦሲዛይቲ ኦሲዛ ማላ ኢስቲካ ባ ዱሳስ ኮሺዛይሳ ዳማናስ ሚኒ ኦፋና ማላኔ ሎፆ ኦሶ ኦፋናስ አዛሎንታ ማላ ኢስታ ሎዔላ ዞሬስ።

ሃ ማፃፋይ ኦይኪዳ ኩሜላ ቆፋ

ጌሎሶ 1:1-2

ጋላታኔ ሃዳራ አሞ 1:3-12

ኪርስቶስ ናምዓንሉ ያናይሳ ጊሽ አሜቲዳ ቲሚርቲ 2:1-17

አማኖን ዱሳ ጊሽ አሜቲዳ ዞሬ 3:1-15

ኩሻ ቆፋ 3:16-18

1 ጳውሎሳፔ፡ ሲልዋኖሴፔኔ ዲምቶሳፔ፤ ኑ አዋ ያሳኒኔ ጎዳ ዬሱስ ኪርስቶሳን ጊዲዳ ታሶሎንቄን አማኒዛ አሳስ። *- 2 ያሳ አዋፔኔ ጎዳ ዬሱስ ኪርስቶሳፔ ኪያቲሌኔ ሳሮቲሌ ኢንቲስ ጊዶ።

ጋላታኔ ዋሳ

3 ታ አሻቶ! ኢንቲ አማኖይ ዋዴፔ ዋዴን ዲጨ ዲጨ ቢዛ ጊሺኔ ኢንቲ ሲቆይካ ካሴፔ ጉጃቲ ጉጃቲ ቢዛ ጊሽ ኑ ኢንቲ ጊሽ ያሳ ሎዔላ ጋላታናስ ቤሴስ። 4 ሄሳ ጊሽ ኢንቲ ቦላ ጋኪዳ ጎዴቲላኒኔ ሜቶ ኡባን ኢንቲ ሚኒዳ ጊሽ ኑኒ ኑ ባጋራ

*- 1:1 ሃዋ 17:1

አንቲ ዳንዳያ ገሺኔ አንቲ ኣማኖ ገሽ ኣማኒዛ ኣሳ ኡባ ኣቻን ጩቁቶሰ።

5 ሄሲ ዉሪካ ፆሳ ፒርዳይ ሱሬ ገዲዳይሳ ቤሴሰ። ሄሳ ጌደን ዋዬ ቤዪዛ አንቲ ፆሳ ካዎቴሳሰ ቤሲዛይታ ገዲ ቤቴዳታ።

6 ፆሲ ዲሎ ገዲዳ ገሽ አንቲና ዋይሲዛይታ ኢዚ ዋይሳና። 7 ዋዬ ኤኪዳ አንቲሴኔ ኑሰ ሽምፖ ኢማና። ሄሲካ ጎዳ ዩሱሰ ኪርሰቶሲ ዋልቃማ ሳሎ ፆሳ ኪታንቻታራ ሳሎ ቦላ ቆንጨዛ ዋዴ ሃናና።

8 ሄ ዋዴ ፆሴ ኤርንታ ኣሳታኔ ጎዳ ዩሱሰ ኪርሰቶሳ ሚሺራቾ ቃላሰ ኣዛዜቶንታ ኣሳታ ቦላ ኢዚ ባ ሃሎ ላጮ ታማን ኬሳና።

* 9 ኢሰቲካ ጎዳ ሲንፋፌኔ ኢዛ ቦንቾ ዋልቃ ኣቻፌ ኪቺዲ ማርናሰ ጳዮን ቃፃዬታና። * 10 ኢሰቲ ቃፃዬታናይ ኢዚ ጌሻታ

ኣቻን ቦንቹታናሴ ኣማኒዛይቲ ዉሪ ኢዛን ማላሌታና ማላ ኢዚ ዪዛ ጋላሳን ሃናና። አንቲካ ሄ ኣማኒዛ ኣሳራ ዳና፤ ጋሶይካ ኑ አንቲሰ ማርካቲዳይሳ አንቲ ኣማኒዳ ገሻሳ።

11 ኑ ሄሳ ቆፒሽ ኑ ፆሲ አንቲና ባ ዪይሳሰ ገዲዛይታ ሂሰቲ ቆዳና ማላ አንቲ ሎፆ ኑፋናሰ ኣሞቲዛ ኣሞዛኔ ኣማኖን አንቲ ኑሉዳ ኑሶዛ ዉርሲ ኢዚ አንቲሰ ባ ዋልቃን ፖላና ማላ ኑ አንቲሰ ኡባ ዋዴ ዋሶሰ። 12 ቃሴካ ኑ ጎዳ ፆሳኔ ኑ ጎዳ ዩሱሰ ኪርሰቶሳ ኪያቴላ ማላ ዩሱሰ ኪርሰቶሳ ሱንጺ አንቲ ኣቻን ቦንቹታና ማላኔ አንቲካ ኢዛን ቦንቹታና ማላ ኑ አንቲሰ ዋሶሰ።

2

ማካላ ኣሰ

1 ታ አሻቶ! ጎዳ ዩሱሰ ኪርሰቶሳ ዩሳ ገሺኔ ኑ ኢዛኮ ባና ቡሳ ገሽ ኑ አንቲና ቆፊሶሰ። * 2 ኣያናይ ቆንጨሲዴሰ ዋይኮ ቃላይ ጌሰ ገዲ ዋይኮ ኑፔ አንቲሰ ከቴቲዳ ኪታ ማላ “ጎዳ ዩሳ ጋላሰ ጋኪዴሰ” ገዲ አንቲ ቆፋን ያርክ ያርኮፊቴኔ ዳጋሞፍቴ።

3 ኣኒካ ኣይ ሃናንካ አንቲና ባሌላፎ። ዳሮ ኣሳይ ኣማኖ ካዳናፔ ሰንጹ ጳያናሰ ቤሲዛ ኢሲ ማካላ ኣሲ ቆንጮንታ ዲሺን ሄ ጋላሳይ ጋኬና። 4 ኢዚካ ፆሴ ጌቴቲ ጎይኔቲዛ ኤቃ ፆሳታ ኡባፌ ቦላራ ባና ቶቁ ቶቁ ሂሰቲዛዴኔ ፆሳራ ኤቁቴዛዴ። ኢዚካ ፆሳ ኬላን ኡቲዲ ባና “ታኒ ፆሳ” ገዲ ኣዋጃ ኣዋጂሳና። *

* 1:8 ላጮ ታማን ገዛይሲ ኢሲ ኢሲ ቃላ ቢርሽላታን ፃፊቴቤና። * 1:9
ኢሳ 2:10 * 2:1 1ታሶ 4:15-17 * 2:4 ሂዚ 28:2

5 ታ ኢንቴናራ ዲዛ ዎዴ ሃይታ ሃ የጎታ ኢንቴስ ታ የተዳይሲ ኢንቴስ ቆፊቴዜሻ? 6 ኢዚ ባ ዎዴን ቆንጫና ጋካናሰ ሃዒ ኢዚ ቆንጫንታ ማላ ኢዚ ዲጊዛኮኔ ኢንቴ ኤሬታ።

7 ማካላንቻ ፀራይ ሃራይ ኣቶሺን ሃዒካ ኦሶ ቦላ ዴሰ። ጊዶ ኣቲን ሃይሲ ሃናናይ ኢዚ ሃዒ ኦሶንታ ማላ ኢዛ ዲጊዛዴይ ኢዛ ኦጌፔ ኪቻና ጋካናሰ ፃላ። 8 ሃሳፊካ ካሊዲ ጎዳ ዩሱሲ ባ ዴና ፔናኒኔ ባ ቦንቾ ዩሳን ጳይሳና፤ ማካላንቻይ ቆንጫና። * 9 ሃ ማካላንቻ ዩሲ ፃላዔ ዎልቃን ሃሲካ ኣሰ ባሌሉዛ ማላታታኒኔ ማላሊሲዛ ሚሻታን ሃናና። * 10 ሃሳሶካ ኤኪዲ ኣቶንታ ማላ ቱማ ኢዲዲ ጳይዛ ኣሳታ ባሌላናሰ ዲማ ዲማ ኢታ ኦሶይ ያና። 11 ሃሳ ጌዶን ኢሰቲ ዎርዶ የጎ ኣማናና ማላ ያሲ ኢሰታ ቦላ ባላ ኦሶ ኪታና። 12 ሃሲ ሃናናይ ቱማ ኣማናንታ ኢዲዲኔ ዎርዶ የጎን ኡፋዬተዛይቲ ወሪ ፐርዴታናሳ።

ሚኒ ኤቂቴ

13 ጎዳን ደሴቲዳ ታ ኣሻቶ! ኑ ጊዲኮ ኡባ ዎዴ ኢንቴ ጊሽ ያሴ ጋላታናሰ ኑሰ ቤሴሰ። ጋሶይካ ያሲ ኢንቴና ኮይሮፔ ኦይኪዲ ኢንቴ ዲሎ ኣያናን ዲማቲዳይታኔ ቱሙ ኣማኒዲ ኢንቴ ኣታና ማላ ኢንቴና ደሪዴሰ። 14 ኑ ጎዳ ዩሱሲ ኪርሰቶሲ ቦንቾ ጊሽቲዛይታ ኢንቴ ጊዳና ማላ ኑ የተዳ ሚሽራቾ ቃላ ባጋራ ኢንቴና ያይጊዴሰ። 15 ሃሳ ጊሽ ታ ኣሻቶ! ኢንቴ ሚኒ ኤቂቴ፣ ኑ ኑ ዲናን ጊዲን ዎይኮ ኪታን ዎይኮ ኑ ኢንቴሰ ኣሌ ዩዲዳ ቲሚርቲዛ ሎዔሌ ኦይኪቴ።

16 ኢዚ ኑ ጎዳ ዩሱሲ ኪርሰቶሲ ቃሴ ኑና ሲቂዳይኔ ባ ኪያቲላን ሜርና ሚንሌሶኔ ሎጎ ሂዶታ ኢዚ ኑሰ ኢሚዳ ኑ ኣዎ ያሳይ፣ 17 ኢዚ ኢንቴ ዎዝና ሎጎ ኦሶኒኔ ቃላን ሚንሎ።

3

ዎሳ ጊሽ ሸቂዳ ኦይሾ

1 ወርሴላን ታ ኣሻቶ! ቃሴካ ጎዳ ቃላይ ኢንቴ ኣቻን ሃናይሳሳካ ኤሌሊ ኡባሶ ጋካና ማላኔ ቦንቻታና ማላ ኑሰ ዎሲቴ። 2 ቃሴካ ኣሲ ወሪ ኣማኒዛይሳ ጊዶንታ ጊሽ ማካላንቻታፔኔ ኢታ ኣሳታፔ ኑ ኣታና ማላ ኑሰ ዎሲቴ። 3 ጎዳይ ጊዲኮ ኣማኔቲዳይሳ። ኢዚካ ኢንቴና ሚንላና፤ ፃላዔፓካ ኢንቴና ናገና። 4 ኑ ኢንቴና ኣዛዚዳይሳ ኢንቴ ሃዒ ኦሌዴታ ሺን ሲንላፊካ ኢንቴ ኦላናይሳ

* 2:8 ኢሳ 11:4 * 2:9 ማቶ 24:24

ኑኒ ጎዳን አማኔቶስ። 5 ጎዳይ እንቲ ዋዝና ያሳ ሲቆኮኔ ኪርሰቶሳ ዲንዲያኮ ካሌቶ።

ኦሶ ኦላና ማላ ኢሜቲዳ ዘሬ

6 ታ አሻቶ! ኦሶ ኦላንታ አሳፔኔ እንቲ ኑፔ ኤኪዳ ቲሚርቲዛ ማላ ዲንታ አማኒዛይታፔ እንቲ ሃካና ማላ ጎዳ ዩሱሰ ኪርሰቶሳ ሱንፋን እንቲና ኑ አዛዞስ። 7 እንቲ ኑ ሌሚሶ ዋስቲ ካላናኮኔ እንቲ እንቲ ባጋራ ኤሬታ። ኑ እንቲናራ ዲዛ ዋዴ ኦሶ ኦላንታ ጮ ዴዒቤኮ። 8 ቃሴካ ኦና ሶፔካ ካል ጮ ማላ ሚቤኮ። ጊዶ ኣቲን እንቲፌ ኦናሲካ ኑ ቶሆ ጊዶንታ ማላ ቃማኔ ጋላሰ ዳቡራን ኦላ ሚዶስ። 9 ኑ ሄሳ ኦላዲይ እንቲ ኑና ካላና ማላ እንቲሰ ሎዖ ለሚሶ ጊዶና ጊዲፔ ኣቲን ኑሰ ኮሺዛይሳ እንቲፌ ኤካና ኑና ዲጊዛ ዋጋይ ዲን ጊዴና። 10 ኑ እንቲናራ ዲዛ ዋዴ “ኦሶ ኦላናሰ ደሶንታ ኣሲ ካል ዋፖ” ጊዛ ኣዛዞ እንቲሰ አሚዶስ። 11 እንቲ ጊዶን ኢሲ ኢሲ ኣሳቲ ኦሶ ኦላንታይሳ ኑ ሲዩዶስ። ሄይታንቲ ኦሶ ኦላንታ ማላ ኣሳ ዮዖን ጌሊዛ ኣሳታ። 12 ሄይታ ማላ ኣሳቲ ባ ኦሶ ጮፀ ጊ ኦላና ማላኔ ባ ካል ማና ማላ ጎዳ ዩሱሰ ኪርሰቶሳ ሱንፋን ኑ ኢሰታ ኣዛዞሲኔ ዘሮስ። 13 እንቲ ጊዲኮ ታ አሻቶ! ሎዖ ኦሶ ኦላናፔ ሙሌካ ኣዛሎፍቲ። 14 ሃይሳ ኑ ከቲዳ ቃላሰ ኣዛዜቶንታይ ኦኒካ ዲኮ ሄሳ ሚሳቲዛዴ ሎዒላ ካሊቲኔ ኢዚ ባ ኦሶን ዩላታና ማላ ኢዛራ ጋጎፍቲ። 15 ጊዶ ኣቲን ኢዛ እንቲ አሻ ማላ ሃንቂቲ ኣቲን ሞርኬ ማላ ያሎፍቲ።

ወርሴላ ሳርካ

16 ሳርቲላ ጎዳይ ኢዚ ባ ባጋራ ዮዖ ኡባን እንቲሰ ሳርቲላ አሞ። ጎዳይ እንቲናራ ኡባራ ጊዶ። 17 ሃይሳ ሳርካ ታ ታ ኩሼራ እንቲሰ ያፊዳይ ታና ጳዉሎሳ። ታ ከታሰ ዲማ ማላታይ ሃይሳ፤ ኢዚካ ሃይሳ ታኒ ታ ኩሼን ያፎይሳ። 18 ኑ ጎዳ ዩሱሰ ኪርሰቶሳ ኣጼ ኪያቴላ እንቲናራ ኡባራ ጊዶ።

ኦሪሳ ጩቆ ማፃፋ ንሞሉ

New Testament in Gamo (ET:gmv:Gamo)

copyright © 2011 Wycliffe Bible Translators, Inc.

Language: Gamo

Translation by: Wycliffe Bible Translators, Inc.

Copyright Information

© 2011, Wycliffe Bible Translators, Inc. All rights reserved.

This translation text is made available to you under the terms of the Creative Commons License: Attribution-Noncommercial-No Derivative Works. (<http://creativecommons.org/licenses/by-nc-nd/3.0/>) In addition, you have permission to port the text to different file formats, as long as you do not change any of the text or punctuation of the Bible.

You may share, copy, distribute, transmit, and extract portions or quotations from this work, provided that you include the above copyright information:

You must give Attribution to the work.

You do not sell this work for a profit.

You do not make any derivative works that change any of the actual words or punctuation of the Scriptures.

Permissions beyond the scope of this license may be available if you contact us with your request.

The New Testament

in Gamo

© 2011, Wycliffe Bible Translators, Inc. All rights reserved.

This translation is made available to you under the terms of the Creative Commons Attribution-Noncommercial-No Derivatives license 4.0.

You may share and redistribute this Bible translation or extracts from it in any format, provided that:

You include the above copyright and source information.

You do not sell this work for a profit.

You do not change any of the words or punctuation of the Scriptures. Pictures included with Scriptures and other documents on this site are licensed just for use with those Scriptures and documents. For other uses, please contact the respective copyright owners.

2014-04-25

PDF generated using Haiola and XeLaTeX on 11 Nov 2022 from source
files dated 29 Jan 2022
dffa0cbb-5f77-5875-bf95-f4176677af45